

“PALUMMEDDA”



Biniditta si tu ca po' vulari
oh palummedda tantu spinsirata,
tu passi li munti e passi lu mari,
frenu unn' avi mai la to vulata.

Oh palummedda tu mi fai pinsari
di sta vita a tanti cosi cari ,
e quasi quasi ti putissi 'mmidiari
e divintari vulissi comu a tia.

Dunni ca voli tu c'è tanta paci,
c'è rosi e juri, di la primavera
e d'unni vaiu ju nun sugnu capaci
di truvare un pòcu di paci vera.

Libera, senza fossi e trupplicuna
voli luntana e dunni vai ti posi;
filici si tu, senza li patruna:
è toi chistu munnu, su toi sti rosi.

Oh palummedda nun pinsari a mia,
vola luntanu e va pi la to via.
Ju t'accumpagnu cu la me fantasia
e godu un pocu di la tò armunia.

Oh palummedda tu fammi un favuri;
lassa stu locu meu, lassa sta via,
vai pi lu to celu, e cerca li to juri,
parla cù la me stidda e mannala 'nni mia...

Vito Giarratano